


Kpu- SVIM
- kkvodilaca

20.01.09



Broj:05-15-125-2/09
Sarajevo,09.01.2009. godine

Bosna i Hercegovina-FEDERACIJA BOSNE I HERCEGOVINE
FEDERALNO MINISTARSTVO FINACIJA-FIN.
POREZNA UPRAVA FEDERACIJE BIH
SREDIŠNJI URED
SARAJEVO

POREZNA UPRAVA FEDERACIJE BIH
SREDIŠNJI URED

PRIMLJENO: 19.01.2009			
Organizaciona jedinica	Klasifikaciona oznaka	Radni broj	Broj prijave
10/	01-	02-2-	186/09

SARAJEVO
Husrefa Redžića 4.

PREDMET: Primjena odredbi Zakona o porezu na dohodak i Pravilnika o primjeni Zakona o porezu na dohodak, koje se odnose na utvrđivanje i plaćanje poreza na dohodak od obavljanja samostalne djelatnosti u paušalnom iznosu - stav

Poštovani,

Zakon o porezu na dohodak („Službene novine Federacije BiH“, broj: 10/08) kao i Pravilnik o primjeni Zakona o porezu na dohodak („Službene novine Federacije BiH“, broj: 67/08) počeli su se primjenjivati od 01. januara 2009. godine.

Odredbama člana 31. Zakona o porezu na dohodak, propisano je da porezni obveznici koji ostvaruju dohodak trajnim obavljanjem samostalne djelatnosti, bilo kao osnovnim ili dopunskim zanimanjem, a nisu **registrovani kao obveznici poreza na dodatu vrijednost**, mogu uz ispunjenje određenih kriterija, utvrđenih odredbama čl. 49. i 50. Pravilnika, porez na dohodak utvrđivati i plaćati u paušalnom iznosu.

Prema članu 49. Pravilnika, uslovi odnosno kriteriji koje porezni obveznici moraju ispunjavati da bi mogli porez na dohodak plaćati u paušalnom iznosu, su slijedeći:

- da se radi o fizičkom licu registrovanom za obavljanje samostalne obrtničke djelatnosti i/ili djelatnosti slične obrtničkoj i da tu djelatnost to lice **obavlja samostalno bez zapošljavanja drugih lica**, te da se radi o djelatnostima koje se zasnivaju na vještini, a ne sredstvima za obavljanje djelatnosti – kućna radinost;

- da se radi o fizičkom licu koje samo ili uz pomoć jednog zaposlenog lica (radnika) obavlja jedan ili više zanata koji se nalazi u popisu starih tradicionalnih zanata koji je sastavni dio Uredbe o zaštiti tradicionalnih starih zanata („Službene novine Federacije BiH“, broj: 62), koja je na osnovu člana 4a. Zakona o obrtu, donesena u cilju očuvanja tradicije starih zanata;
- da se radi o fizičkom licu registrovanom za obavljanje prevoznike djelatnosti samo sa jednim sredstvom prevoza (auto-taksi i autoprevoznici sa vozilom nosivosti do 8 tona).

Članom 50. Pravilnika utvrđeni su mjesečni iznosi paušala za porezne obveznike koji ispunjavaju naprijed navedene kriterije i to prema vrsti djelatnosti koju obavljaju i to:

1. Obveznici koji obavljaju obrtničke djelatnosti i 70,00 KM djelatnosti koje su srodne obrtničkim, sami bez upošljavanja drugih lica
2. Obveznici koji obavljaju stare i tradicionalne zanate 30,00 KM sami ili sa jednim zaposlenim radnikom
3. Obveznici koji obavljaju prevoz putnika samo sa 50,00 KM jednim sredstvom prevoza
4. Obveznici koji obavljaju prevoz tereta jednim 80,00 KM prevoznim sredstvom nosivosti do 8 tona

Ove mjesečne iznose poreza, navedeni porezni obveznici dužni su uplaćivati mjesečno i to do 15-tog u mjesecu za prethodni mjesec.

Prema članu 31. Zakona o porezu na dohodak, Porezna uprava Federacije Bosne i Hercegovine može ovim poreznim obveznicima ukinuti paušalno plaćanje poreza na dohodak i u skladu sa članom 29. istog zakona, utvrditi i naložiti plaćanje akontacije poreza na dohodak, ukoliko naknadnom inspekcijskom kontrolom ili na osnovu prikupljenih podataka o njihovim ostvarenim prihodima, utvrdi da su ostvarili dohodak iznad iznosa koji primjenom propisane stope poreza na dohodak premašuje utvrđeni paušalni iznos poreza, ili da je ostvario ukupan prihod koji ga obavezuje da se registruje kao obveznik poreza na dodatu vrijednost. U tom slučaju, ovi porezni obveznici dužni su voditi poslovne knjige propisane članom 19. stav 2. Zakona i u iste unositi sve poslovne promjene odnosno podatke o ostvarenim prihodima i rashodima na osnovu kojih će po isteku poreznog perioda utvrditi svoj dohodak od obavljanja samostalne djelatnosti i godišnju obavezu poreza na dohodak po tom osnovu.

Porezni obveznici koji smatraju da ispunjavaju sve uvjete i kriterije za plaćanje poreza na dohodak u paušalnom iznosu mogu Poreznoj upravi Federacije Bosne i Hercegovine dostaviti pismeni zahtjev za utvrđivanje paušalnog iznosa za 2009. godinu uz koji su dužni priložiti dokaze o ispunjavanju uslova odnosno kriterija propisanih članom 49. Pravilnika.


Na osnovu člana 7. stav (1) alineja 9. Zakona o Poreznoj upravi Federacije Bosne i Hercegovine („Službene novine Federacije BiH“, br. 33/02 i 28/04), Porezna uprava je dužna u roku od 15 dana od dana podnošenja zahtjeva, obavijestiti podnosioca zahtjeva da li može porez na dohodak plaćati u paušalnom iznosu ili je obavezan isti utvrđivati i plaćati prema odredbama člana 19. Zakona.

Porezni obveznici registrovani za obavljanje prevoznike djelatnosti samo sa jednim sredstvom prevoza i to auto-taksi sa jednim putničkim vozilom i autoprevoznici sa jednim teretnim vozilom nosivosti do 8 tona, u 2009. godini mogu porez na dohodak plaćati u mjesečnim paušalnim iznosima od 50,00 KM autotaksisti, odnosno 80,00 KM autoprevoznici bez obaveze podnošenja zahtjeva za dobijanje saglasnosti od Porezne uprave Federacije Bosne i Hercegovine.

Porezni obveznici koji su dobili suglasnost Porezne uprave Federacije Bosne i Hercegovine da porez na dohodak plaćaju u paušalnom iznosu, kao i oni koji to mogu činiti i bez pribavljanja te saglasnosti, koji u toku poreznog perioda pored gotovinskog prometa povremeno sa pravnim licima ostvare bezgotovinski promet, dužni su, pored utvrđenog paušalnog mjesečnog iznosa plaćati i **porez po odbitku 10% od svakog pojedinačnog iznosa prometa sa pravnim licima naplaćenog bezgotovinski**. Odbijeni i uplaćeni porez od prometa ostvarenog sa pravnim licem smatra se konačnom poreznom obavezom.

Porezni obveznici koji porez na dohodak od samostalne djelatnosti plaćaju u paušalnom iznosu nisu dužni voditi poslovne knjige iz člana 19. stav (2) Zakona, izuzev knjige prometa (obrazac KP – 1042) koju su dužni voditi porezni obveznici koji pored gotovinskog prometa povremeno sa pravnim licima ostvaruju i bezgotovinski promet na koji su dužni platiti porez po odbitku kao konačnu obavezu.

S poštovanjem,



[Handwritten signature]
Bevanda